

Allannguutissatut siunnersuut  
uunga

**Uunga siunnersuut: Aalisarneq pillugu Inatsisartut inatsisaata allanngortinnejnarnera  
pillugu Inatsisartut inatsisaat nr. xx, xx. xxx 2015-imeersoq.**

Pingajussaaneernissaanut Naalakkersuisunit saqqummiunneqartoq.

§ 10a-mut

**1. Imm. 2 ima allanneqassaaq:**

”Naalakkersuisut imm. 1 malillugu sinerissap qanittuani aalisarnermi malittarisassiornermikkut piumasaqaatigisinnaavaat qinnuteqartoq siornatigut assingusumik akuersissuteqarsimanissa, kiisalu qinnuteqartup ukiumi qaangiuttumi akuersissutiminik atuisimanissa.”

**2. Imm. 2-p kingorna immikkoortumik nutaamik ikkussisoqassaaq:**

“Imm. 3. Naalakkersuisut imm. 1-imi 2-milu malittarisassat malillugit aalajangersaanermikkut inuit siusinnerusukkut inuussutissarsiutigalugu aalisarnissamik akuersissuteqarsimasut immikkut pisinnaavaat.”

Allannguutissamut siunnersummut nassuaatit.

**Nassuaatit nalinginnaasut**

Aalisarnermut Inatsisartut inatsisaata allannguutissaatut siunnersuut saqummiunneqarpoq Aalisarnermut, Piniarnermut Nunalerinermullu Ataatsimiititaliap 9. maj 2015-imi isumaliutissiissutaa tunngavigalugu, taamaalilluni inuit siunnersuutip atuutsilerneqannginnerani inuussutissarsiutigalugu aalisarnissamut akuersissutillit mattunneqarnissaat pinngitsoortinniarlugu.

Ataatsimiititaliap inassutaa naapertorlugu aalajangersagaq ilanngunneqarsimavoq, tassani immikkut akuersisoqarsinnaalerluni inunnut ukiut imaluunniit ukiup siuliani akuersissuteqanngitsunut periarfissiissalluni, taamaalilluni inuit aalisarnerminnik unitsigaluarsimasut ( ass. umiunermikkut, napparsimanermikkut, ilinniarnermikkut imaluunniit tunitsivissaaleqinermikkut unitsitsisimasut) inuussutissarsiutiminnik aallartitseqqissinnaanissaannut periarfissaqarniassammata.

Aalajangiiffigisassatut siunnersuutit aningaasaqarnikkut sunniuteqassanngillat.

**Allannguutissatut siunnersummi peqqussutinut ataasiakkaanut oqaaseqaatit**

Nr. 1-imut

Aalajangersakkut qularnaarniarneqarpoq inuit inuussutissarsiutigivillugu aalisartut kisimik

inuussutissarsiutigalugu aalisarnermi peqataasinnaanissaat. Aalajangersakkamili mattussisoqanngilaq immikkut akuersissuteqarsinnaanissamik, aalisagaqassuseq tamatumani aalajangiisuussalluni. Naalakkersuisut taamaalillutik sumiiffiit ilaat aalajangersimasut malittarisassanit tunngaviusut ilaannit aalajangersakkamut uunga naapertuuttumik aalajangersakkanit ilaatisinnaanngilaat, sumiiffinni pineqartuni aalisarsinnaanissamut tunngavissaqarpat.

Aalajangersakkut Naalakkersuisut pisinnaatipput malittarisassiorsinnaallutik aalisarnissamut akuersissutinik tunniussiniarnerminni piumasaqaateqarsinnaallutik, tassa qinnuteqartoq ukiup siuliani assingusumik aalisarnissamik akuersissuteqarnissaat (licens), kiisalu qinnuteqartup ukiup siuliani akuersissumminik atuisimanissaa ilanngullugu eqqarsaatigalugu.

Aalajangersakkami uani eqqarsaatigineqarput inuit siornatigut inuussutissarsiutigalugu aalisarnissaminutakuersissuteqarsimannngitsut, kiisalu inuussutissarsiutigalugu aalisarnissamutakuersissummit inatsisip atuutilereernerata kingorna qinnuteqartunut. Aaqqissuussamik aqutsineq ima aaqqissuunneqassaaq, inuit inatsisip atuutilinnginnerani inuussutissarsiutigalugu aalisarnissaminutakuersissuteqareersut siunissami aalajangersagaq malilluguakuersissummik tunineqarnissaannik mattunneqannginnissaannut aaqqiisoqassalluni.

## Nr. 2-mut

Aalajangersakkut tunngavissiisoqarpoq immikkutakuersissuteqarnissamik periarfissiisoqarnissaanik, taamaalilluni inuit aalisarnerminnik unitsigsigaluarsimasut ass. umiunermikkut, napparsimanermikkut, ilinniarnermikkut imaluunniit tunitsivissaaleqinermikkut unitsitsisimasut inuussutissarsiutiminnik aallarterteqqissinnaanissaannut periarfissaqarniassammata. Aalajangersagaq inuussutissarsiutigalugu aalisartunut inuussutissarsiummullu uteqqikkusuttunutakuersissutinik qinnuteqartunut atuutsinneqarpoq.